

禪月集


二



				漢書門
		三	四	
		一	二	
八	三	二	二	
冊	架	函	號	類

內閣文庫			
三		三	漢
二		四	書
函		二	
一	八	二	
九	冊	號	類
架			

內閣文庫			
番號	漢	3422	
冊數	8(2)		
函號	312	211	



淺草文庫

禪月集卷一



浙江東道婺州蘭溪縣和安寺西岳賜紫蜀國禪月大師貫休述

樂府古題雜言三十首

善哉行 傷古曲無知音

有美一人兮婉如青揚識曲別音兮令姿煌煌繡
袂捧琴兮登君子堂如彼萱草花兮使我憂亡欲
贈之以紫玉尺白銀鐙久不見之兮湘水茫茫

讀離騷經



湘江濱湘江濱蘭紅芷白波如銀終須一去呼湘
君問湘神雲中君不知何以變靈均我恐湘江之
魚兮死後盡爲人曾食靈均之肉兮箇箇爲忠臣
又想靈均之骨兮終不曲千年波底色如玉誰能
入水少取得香沐函題貢上國貢上國卽全勝和
璞懸黎垂棘結綠

陽春曲

江東廣明初作

爲口莫學阮嗣宗不言是非非至公爲手須似朱

雲輩折檻英風至今在男兒結髮事君親須教前
賢多慷慨歷數雍熙房與杜魏公姚公宋開府盡
向天上仙宮閒處坐何不却辭上帝下下土忍見
蒼生苦苦苦

白雪曲

列鼎佩金章淚眼看風枝却思食藜藿身作屠沽
兒負米無遠近所希升斗歸爲人無貴賤莫學雞
狗肥斯言如不忘別更無光輝斯言如或忘卽安

用人為

上留田

父不父兄不兄上留田
蝥賊生徒陟崗淚崢嶸我
欲使諸凡鳥雀盡變為
鵲鴿我欲使諸凡艸木
盡變為田荆隣人隣人
歌古風清清風生

胡無人

霍嫖姚趙充國天子將之
平朔漠肉胡之肉燼胡
帳幄千里萬里唯留胡之
空殼邊風蕭蕭榆葉初

落殺氣晝赤枯骨夜哭
將軍既立殊勳遂有胡無
入曲我聞之天子富有四
海德被無垠但令一物
得所八表來賓亦何必令
彼胡無人

野田黃雀行

高樹風多吹爾巢落蒿深
葉暖宜爾衣薄莫近鴉
類蛛網亦惡飲野田之清
水食野田之黃粟深花
中睡敦土裏浴如此即全
勝啄太倉之穀而更穿
人屋

臨高臺

涼風生遠念使我昇高臺寧知數片雲不是舊山
來故人天一涯久客殊未迴鴈來不得書空寄聲
哀哀

杞梁妻

秦之無道兮四海枯築長城兮遮北胡築入築土
一萬里杞梁貞婦啼嗚嗚上無父兮中無夫下無
子兮孤復孤一號城崩塞色苦載號杞梁骨出土

疲魂饑魄相逐歸陌上少年莫相侮

蒿里曲

免不遲烏更急但恐穆王八駿著鞭不及所以蒿
里墳出戢戢氣凌雲天龍騰鳳集盡為風消土喫
狐撥蟻拾黃金不啼玉不泣白楊騷屑刮風愁月
折碑石人莽穢榛沒牛羊窸窣時見牧童兒弄枯
骨

夜夜曲

蟪蛄切切風騷騷芙蓉噴香蟾蜍高孤燈耿耿
婦勞更深撲落金剪刀

行路難

君不見山高海深人不測古往今來轉青碧
淺近輕浮莫與交地卑只解生荆棘誰道黃金
如糞土張耳陳餘斷消息行路難行路難君自看

擬古別離

離恨如旨酒古今飲皆醉只恐長江水盡是兒女

淚伊余非此輩送入空把臂他日載相逢清風滿
天地

戰城南二首

萬里桑乾傍茫茫古蕃壤將軍貌憔悴撫劍悲年
長胡兵尚凌逼久住亦非強邯鄲少年輩個個有
伎倆拖鎗半夜去雪片大如掌

又

磧中有陰兵戰馬時驚蹶輕猛李陵心摧殘蘇武

節黃金鎖子甲風吹色如鐵十載不封侯茫茫向誰說

少年行三首

錦衣鮮華手擎鵝間行氣貌多輕忽稼穡艱難總不知五帝三皇是何物

又

自拳五色裘迸入他人宅却捉蒼頭奴玉鞭打一

又

面白如削玉猖狂曲江曲馬上黃金鞍適來新賭得

夢遊仙四首

夢到海中山入箇白銀宅逢見一道士稱是李八百

又

三四仙女兒身著瑟瑟衣手把明月珠打落金色

梨

又

車濕地無塵行至瑤池濱
森森椿樹下白龍來嗅
入

又

宮殿崢嶸籠紫氣金湫玉砂五色水
守闈仙婢相倚睡偷摘蟠桃幾倒地

輕薄篇二首

繡林錦野春態相壓誰家少年馬蹄蹋蹋鬪雞走
狗夜不歸一擲賭却如花妾誰云不顛不狂其名
不彰悲失

又

木落蕭蕭蟲鳴唧唧不覺朱萋臉紅霜劫髮漆世
途多事泣向秋日方今少壯不努力老大徒傷悲
如何

長安道

憧憧合合八表一轍黃塵霧合車馬火熱名湯風
雨利輾霜雪千車萬馱半宿關月上有堯禹下有
夔高紫氣銀輪今常覆金闕仙掌捧日今濁河澄
澈愚將艸木今有言有言與華封人今不別不別

洛陽塵

昔時昔時洛城人今作茫茫洛城塵我聞富有石
季倫樓臺五色千星辰樂如天樂日夜聞錦姝繡
妾何紛紛真珠簾中姑射神人文金線玉香成暮

雲孫秀若不殺晉室應更貧伊水削行路塚石花
磷磷蒼茫金谷園牛羊齧荆榛飛鳥好羽毛疑是
綠珠身

富貴曲二首

有金張族驕奢相續瓊廚玉堂雕牆繡轂紈綺雜
雜鐘鼓合合美人如白牡丹花半日只舞得一曲
樂不樂足不足爭教他愛山青水綠

又

如神若仙似蘭同雪樂戒于極胡不知輟只欲更
 綴上落花恨不能把住明月太山肉盡東海酒竭
 佳人醉唱敲玉釵折寧知耘田車水翁日日炙背
 欲裂

禪月集卷一

古虞毛晉訂

禪月集卷二

古風雜言二十首
 古意九首

一雨火雲盡開門心冥冥蘭花與芙蓉滿院同芳
 馨佳人天一涯好鳥何嚶嚶我有雙白壁不羨于
 虞卿我有徑寸珠別是天地精玩之室生白瀟灑
 身安輕只應天上人見我雙眼明

陽鳥爍萬物

陽鳥爍萬物，艸木懷春恩。茫茫塵土飛，培壅名利根。我本是蓁笠幼，知天子尊學爲毛氏。詩亦多直致，言不慕需臚。類附勢同崩，奔唯尋桃李。蹊去去長者門，天一一試我身。何妨學羽翰，遠逐朱鳥翔。

乾坤有清氣

乾坤有清氣，散入詩人脾。聖賢遺清風，不在惡木枝。千人萬人中，一人兩人知。憶在東溪日，花開落葉時。幾擬以黃金鑄，作鍾子期。

莫輕白雲白

莫輕白雲白，不與風雨會。莫見守羊兒，或是初平輩。人生非日月光，輝豈常在一。榮與一辱古今常，相對君不見于公門。子孫好冠蓋。

古交如真金

古交如真金百煉色不同今交如暴流儻忽生塵埃我願君子氣散為青松栽我恐荆棘花只為小人開傷心復傷心吟上高高臺

常思謝康樂

常思謝康樂文章有神力是何清風清凜然似相識一種為頑器得作翻經石一種為枯槁得作登山屐永嘉為郡後山水添鮮碧何當學羽翰一去

觀遺跡

常思李太白

常思李太白仙筆驅造化玄宗致之七寶床虎殿龍樓無不可一朝力士脫靴後玉上青蠅生一箇紫皇殿前五色麟忽然擊斷黃金鎖五湖大浪如銀山滿船載酒搥鼓過賀老成異物顛狂誰敢和寧知江邊墳不是猶醉臥

憶在山中時

憶在山中時丹桂花歲蕤紅泉浸瑞艸白日生華
 滋箬屋開地鑪翠墻掛藤衣看經竹窻邊白須三
 兩枝東峰有老人眼碧頭骨奇種薤煮白石旨趣
 如嬰兒月止來打門月落方始歸授我微妙訣恬
 淡無所為別來六七年只恐白日飛

酷吏詞

霰雨潏潏風吼如斲有叟有叟暮投我宿吁歎自
 語云太守酷如何如何掠脂輸肉吳姬唱一曲等

閑破紅束韓娥唱一曲錦段鮮照屋寧知一曲兩
 曲詞曾使千人萬人哭不惟哭亦白其頭饑其族
 所以祥風不來和氣不復蝗乎賊乎東西南北

還舉人歌行卷

厚於鐵圍山上鐵薄似雙成仙體纈蜀機鳳雛動
 整蕤珊瑚枝枝撐著月王凱家中藏難掘顏回飢
 儂愁天雪古松直筆雷不折雪衣女啄蟠桃缺珮
 入龍宮步步遲繡簾銀殿何參差即不知驪龍失

珠知不知

陳宮詞

緬想當時宮闕盛，荒蕪椒房。俄堯聖，玉樹花歌百。
花裏珊瑚，總中海日。迸大臣來朝，酒未醒，酒醒忠
諫多，不聽。陳宮因此成野田，耕人犁破宮人鏡。

擬齊梁酬所知見贈二首

靜只焚香坐，詠懷悲歲闌。佳人忽有贈，滿手紅琅玕。
不獨耀肌魄，將行為羽翰。酬如上青天，風雪空

漫漫

又

美如仙鼎金，清如織手琴。孫登嘯一聲，縹緲不可尋。
尋但覺神洋洋，如入三昧林。釋手復在手，古意深。
復深慚無英瓊瑤，何以酬知音。

經古戰場

茫茫凶荒迥，如天設。駐馬四顧，氣候迂結。秋空崢嶸，
嶢黃日將沒。多少行人，白日見物，莫道路高低盡。

是戰骨莫見地赤碧盡是征血昔人昔人既能忠
盡于力身糜戈戟脂其風膏其域今人何不繩其
膾植其食而使空曠年年常貯愁烟使我至此不
能無言

村行遇獵

獵師紛紛走榛莽女亦相隨把弓矢南北東西盡
殺心斷燒殘雲在圍裏鶻拂荒田兔成血竿打黃
茅雉驚起傷嗟箇輩亦是人一生將此關身已我

聞天地之大德曰生又聞萬事皆天意何遣此人
又如此猶更願天公一丈雪深山麋鹿盡凍死

漁家

赤蘆葢屋低壓恰沙漲柴門水痕疊黃雞青大花
蒙籠漁父漁兒掃風葉有叟相逢帶秋醉自拔船
椿色無媿前山脚下得魚多惡浪堆中盡頭睡但
得忘筌心自樂肯羨前賢釣清渭終須畫取掛秋
堂與爾為隣有深意

田家作

田家老翁無可作，晝甌蒸梨香漠漠。只向堦前曝背眠，赤桑大葉時時落。古壑侵門桃竹密，倉圍峨峨欲避日。自云孫子解耕耘，四五年來腹多實。我聞此語心自悲，世上悠悠豈得知稼而不穡。徒爾為

江邊祠

松森森江渾渾，江邊古祠空閉門。精靈應醉社日

酒白龜咬斷，菖蒲根花殘。冷紅宿雨滴土龍，甲溼鬼眼赤。天符早晚下空碧，昨夜前村行霹靂。

苦熱寄赤松道者

天雲如燒人如炙，天地鑪中更何適。蟬喘雷乾冰井融，些子清風有何益。守羊真人聃之役，高吟招隱倚碧壁。紫氣紅烟鮮滴滴，澗茗園瓜麴塵色。驕奢涼冷合相憶。

偶作二首

新詩一千首古錦初下機除月與鬼神別未有人
知子期去不返浩浩良可悲不知天地間知者復
是誰

又

門前數枝路路車馬鳴名埃與利塵千里萬里
行只見青山高豈見青山平朱門勢峨峨冠蓋何
光明黃鳥在花裏青蟬奪其聲爾生非金玉豈常
貴復貞寄言之子心可以歸無形

春晚書山家屋壁二首

柴門寂寂黍飯馨山家烟火春雨晴庭花濛濛水
泠泠小兒啼索樹上鷺

又

水一三作香塘黑蒲森森鴛鴦如家禽前村後
壟桑柘深東鄰西舍無相侵蠶娘洗重前溪淥牧
童吹笛和衣浴山翁留我宿又宿笑指西坡瓜豆
熟

春晚間居寄陳嵩伯

春霖閉門久，春色聚庭木。一夢辭舊山，四隣有新
哭菰蒲。生白水，風篁擢纖玉。為憶湖上翁，花時獨
冥目。

長持經僧

嘵嘵長夜坐，嘵嘵長早起。杉森森不見人，聲續續
如流水。拋金掙玉吐，宮嚙徵頭低。草木手合神鬼
日消三兩黃金，爭得止。佛言常持經者，可日食三兩金而槁木朽。

枝一食而已，傷嗟浮世之人，善事不曾入耳。

茫茫曲

茫茫復茫茫，滿眼皆埃塵。莫言白髮多，莖莖是愁
筋。未達苦雕偽，及達多不仁。淺深與高低，盡能生
棘榛。茫茫四犬愁，殺人。

古鏡詞上劉侍郎

至寶不自寶，照古還照今。仙人手胼胝，寥泬秋沉
沉。不是十二面，不是百煉金。若非八彩眉，不可輒

照臨卽歸玉案頭爲君整冠簪卽居吾君手照出
 天下心恭聞太宗朝此鏡當宸襟六合懸清光萬
 里無塵侵此鏡今又出天地還得一

送姜道士歸南岳

松品落落雪格索索眼有三角頭峭五岳若不居
 岳此處難著藥僮貌蠻名鄙彼葫蘆酒滿擔劣起
 萬里長風嘯一聲九貞須拍黃金几落葉蕭蕭
 杳宵送師言了意未了意未了他時爲我致取一

部音聲鳥

了仙謠

海中紫霧蓬萊島安期子喬去何早遊戲多騎白
 騏驎鬚髮如銀未曾老亦留仙訣在人間齧鐵終
 言藥非道始皇不得此深旨遠遣徐福生憂惱紫
 朮黃精心上苗大還小還行中寶若師方術棄心
 師浪似雪山何處討

禪月集卷二終

海虞毛晉訂

禪月集卷三

古風雜言三十首

循吏曲上王使君

需宿需宿炳爛光合蒸蒸黎民鍾此多福自東自
 西自南自北伊飛伊走乳乳良牧和氣無形春光
 自成大信不信貽厥無朕需女需女爾亦須語使
 君為理玄風震古需女需女爾亦須語我願喙長
 三千里枕著玉階奏明王

古鏡詞

我有一面鏡不磨似秋月上唯金膏香下狀驪龍窟等閒不欲開醜者多不悅或問幾千年軒轅手中物

懷張爲周朴

張周二夫子詩好人太癖更不過嶺來如今頭盡白人傳禹力不到處河聲流向西周又到處即閉戶逢君方展眉張不知是不是若是即太奇我又

聞二公心與人不同一生常在寂寞中有時狂吟入僧宅錦囊烏啼荔枝紅有時冥搜海山腦珊瑚枝動日杲杲聖君在上知不知赤面濁醪許多好

題弘顓三藏院

儀清態淡雕瓊瓌捲簾瀟灑無埃岳茶如乳庭花開信心弟子時時來灌頂壇嚴伸囑塞三十年功苦拘束梵僧夢裏授微言雪嶺白牛力得師受神僧真水精一索香一爐紅蓮花舌生醍醐初言於夢中

聽喉音寶樓閣如聞魔王宮殿拉金瓦落次聽妙
音大隨求更覺人間萬事深悠悠四音俱作清且
柔愛河濁浪却倒流却倒流今無處去碧海含空
日初曙

古意代友人投所知

青松雖有花有花不如無貧井泉雖清且無金
轆客從遠方來遺我古銅鏡掛之玉堂上如對軒
轅聖天龍睡坤腹土蝕金鬣綠因知燕趙佳人顏

似玉不得此鏡終不

聞知已入翰林

天驥頭似鳥儵忽四天下南金色如樵入火不見
火吾交二名士遠立于帝左鳳姿既出世天意囑
在我奇哉子淵頌無可無不可

上裴大夫二首

我有一端綺花彩鸞鳳群佳人金錯刀何以裁此
文

又

我有白雲琴，朴斲天地精。俚耳不使聞，慮同衆樂聽。指指法仙，法聲聲聖人。聲一彈，四時和。再彈中，古清庭前梧桐枝。颯颯南風生，還希師曠懷。見我心不輕。

上劉商州

周邵吁噓氣，結為禎祥雲。客從遠方來，持此將贈君。時命偶不謬，授館終南東。惜惜良吏師，不寐如

老農丘軻文之天代，天有餘功天復代。天后后稷何所從。

閒居擬齊梁四首

夜雨山艸滋

夜雨山艸滋，爽籟生古木。閒吟竹仙偈，澆於嚼金玉。蟋蟀啼壞墻，苟免悲局促。道人優曇花，迢迢遠山綠。

果熟無低枝

果熟無低枝，芳香入屏帷。故人久不來，萱艸何離離。
離苦吟齋，貌減更被杉風吹。獨賴湖上翁，時為烹露葵。

紅藕映嘉鮪

紅藕映嘉鮪，澄池照孤坐。池痕放文彩，雨氣增慵墮。
山翁寄朮藥，幸得秋病可。終召十七人，雲中備香火。

清氣生滄洲

清氣生滄洲，殘雲落林藪。放鶴久不歸，不知更歸否。
支策到江湄，江臯木葉飛。自憐為客遠，還如鵲遶枝南。
枝復北枝，玉露沾毛衣。

塞上曲二首

錦袷胡兒黑，如漆騎羊上。冰如箭疾，蒲萄酒白雕。
腊紅苜蓿根甜，沙鼠出單于。右臂何須斷，天子昭昭本如日。
一握鬢髯一握絲，須知只為平戎術。

又

去年轉鬪陰山脚，生得單于却放却。今年深入于
 不毛，胡兵拔帳遺弓刀。男兒須展平生志，爲國輸
 忠合天地。甲穿雖卽失黃金，劍缺猶能生紫氣。塞
 艸萋萋，兵士苦胡虜。如今勿胡虜，封侯十萬始無
 心。玉關凱入君看取。

擬齊梁體寄馮使君三首

庭鳥多好音

庭鳥多好音，相呼灌木中。竹房更何有，還如鳥巢

空。賴逢富人侯，真東晉謝公。諸公煌煌發令姿，珂珮
 鳴丁冬。故山有深霞，未如旌旆紅。慚非衛霍松，何
 以當清風。

露益蟬聲長

露益蟬聲長，蕙蘭垂紫帶。清吟待明月，孤雲忽爲
 蓋。伊余石林人，本是燒畬輩。頻接謝公棊，輸多未
 曾賽。

大道貴無心

大道貴無心，聖賢為始慕。秋空共澄潔，美玉同貞素。偉哉桐江守，雌黃出金口。為文能廢典，談道弭空有。雪林稿枯者，坐石聽亦久。還疑紫磨身，成居靈運後。

書匡山老僧菴

篔簹紅實好，鳥語銀髯瘦。僧貌如祖，香烟濛濛衣上聚。冥心縹緲，渺渺作入鐵圍白磨作夢枕。藤屨東峰山媪貢瓜乳。

讀顧況歌行

雪泥露金冰滴瓦，楓檉火著僧留坐。忽覩逋翁號逋翁也別，一軸歌始覺詩魔。幸負我花飛飛雪霏霏，三珠樹曉珠纍纍。妖狐爬出西子骨，雷車投破織女機。憶昔鄱陽寺中見，一碣逋翁詞。今逋翁札庾翼未伏，王右軍李白不知誰擬殺。別別若非仙眼應難別，不可說不可說離亂離。應打披

冬末病中作二首

冬風吹艸木亦吹我病根故人久不來冷落如丘
園舂龍與摩詰吁歎非不聞顧惟年少時未合
憂懃風鍾遠孤枕雪水流凍痕空餘微妙心期共
靜者論

未試又

胸中有一物旅拒復攻擊向下還上來唯疑是肺
石山童頑且小用之復何益教洗煮茶鐺雪團打
隣壁宛轉無好姿徘徊更何適庭前早梅樹坐見

花盡碧屋老多鼠窠窻阜露山春近來胸中物已
似輸藥力微吟復微吟依稀似莊鳥

遇葉進士

文章擬真宰儀冠冷如壁山寺偶相逢眼青勝山
色氣隆多慷慨語澹無他力金繩殘果落竹閣涼
雨滴自媿龍鍾人見此冲天翼

寄杜使君

清展捲珠簾盥漱香滿室杉松經雪後別有精彩

出琅函芙蓉書開之向塔日好為常解來孤雲偶
相失有特作章句氣槩還鮮逸茫茫世情世誰人
愛真實清高慕玄度冥默攀道一殘磬隔風林微
陽解冰筆亦知休明代諒無經濟術門前九箇峰
終擬為文乞

寄高員外

冷冽蒼黃風似劈雪骨冰筋滿瑤席庭松流汗相
抵喫雪絮重裘火無力孤峰地鑪燒白櫪龐眉道

者應相憶儵忽維陽歲云暮寂寥不覺成章句惟
應將寄蕊珠宮一作禪刹雲深一來否

書陳處士屋壁二首

有叟傲堯日髮白肌膚紅妻子亦讀書種蘭清溪
東處士有種蘭篇白雲有奇色紫桂含天風即應迦鶴書
肯羨于洞洪

又

高步前山前高歌北山北數載賣甘橙山前近云

足新詩不將出往往僧乞得唯李太白是偷
桃賊吟狂鬼神走酒釀天地昊青芻生塔除擷之
束成束

對月作

今人看此月古人看此月如何古人心難向今人
說古人求祿以及親及親如之何忠孝為朱輪今
人求祿唯底身底身如之何惡木多斜文斜文復
斜文顛室何紛紛

山茶花

風裁日染開仙園百花色死猩血謬今朝一朶墮
堦前應有看人怨孫秀

上孫使君

聖主得賢臣天地方交泰恭惟岳精粹多出於昭
代君侯握文鏡獨立塵埃外王演俗容儀崔陵小
風檠馨香擁蘭雪峻秀高嵩岱嵇松領歲寒莊劍
無龔淬威稜玉霜直匠石金槌大詩穿卯并承道

拍安期背中興鸞鳳集直道風雲會萬卷
 三山如歷塊德乎天所縱清矣譙堪對有法在朝
 端無塵到冠蓋具瞻從密勿且夕調鼎鼐為君整
 衢樽為君戢蕃塞豈知吾后意憂此毗陵最親手
 賜彤弓蒼生是繫賴下車隣寇散是物冰壺內龔
 遂喪廉平次公太繁碎袴襦砧動地父母歌闌闌
 ■雪鏢戈鋌非烟遶旌旆寧思子產冰宵羨任棠
 薤忽如春再來不獨天重戴昂藏海嶠鶴冷碧仙

庭檜物物動和風家家有新態芙蓉開帟幕錦帳
 無纖盞鼓角穿凍雲恩波動耕耒奸回改精魄禮
 教書紳帶必于堯舜日還似房杜輩野人有章句
 格方亦慷慨若不入丘門世間更誰愛

禪月集卷三終

海虞毛晉訂

禪月集卷四

古風雜言三十首

行路難四首

不會當時作天地剛有多般愚與智到頭還用真
 宰心何如上下皆清氣大道冥冥不知處那堪頓
 得義和轡義不義今人不人擬學長生更容易負
 心為鑪復為火緣本求魚應且止君不見燒金煉
 石古帝王鬼火熒熒白楊裏

又

君不見道傍廢井生古木本是驕奢貴人屋幾度
美人照影來素練銀餅濯纖玉雲飛雨散今如此
綉闥雕甍作荒谷沸渭笙歌君莫誇不應常是西
家哭休說遺編行者幾至竟終須合天理敗他成
此亦何功蘇張終作多言鬼行路難行路難不在
羊腸裏

又

九有茫茫共堯日浪死虛生亦非一清淨玄音竟
不聞花眼酒腸暗如漆或偶因片言隻字登第光
二親又不能獻可替否航要津口譚羲軒與周孔
理行不及屠沽人行路難行路難日暮途遠空悲
歎

又

君不見道傍樹有寄生枝青青鬱鬱同榮衰無情
之物尚如此為人不及還堪悲父歸墳兮不朝夕

已分黃金爭田宅高堂老母頭似霜心作數支淚
常滴我聞忽如負芒刺不獨爲君空歎息古人尺
布猶可縫潯陽義犬令人憶寄言世上爲人子孝
義團圓莫如此若如此不遘死今更何俟

泊秋江

岸如洞庭山似剡船漾清溪涼勝簟月白風高不
得眠枯葦叢邊釣師魘

嘲商客

葦蕭蕭風撼撼落日江頭何處客斜倚帆檣不喚
入五湖浪向心中白

寄王滌

梅月多開戶衣裳潤欲滴寂寥雖無形不是小讎
敵地虛草木壯雨白桃李赤永日無人來庭花苦
狼籍吟高好鳥覷風靜茶烟直唯思萊子來衣拖
五般色

上馮使君五首

兒 撈船碧江上春日何遲遲汀花最深處拾得鴛鴦

又

漁父無憂苦水仙亦何別眠在綠葦邊不知釣筒

發

又

樵叟無憂苦地仙亦何別茆屋岸花中弄孫頭似

雪

又

扣舷得新詩茶煮桃花水碎碎數片帆去去殊未

已

又

仁政無不及乳獺將子行誰家苦竹林中有讀書

聲

擬君子有所思二首

我愛正考甫思賢作商頌我愛揚子雲理亂皆如

鳳振衣中夜起露花香旖旎撲碎驪龍明月珠敲
出鳳凰五色髓陋巷蕭蕭風枿枿緬想斯人勝珪
璧寂寥千載不相逢無限區區盡虛擲君不見沈
約道佳人不在茲春光為誰惜

又

安得龍猛筆點石為黃金西岳龍猛大士於硯中磨藥點筆成金西天有龍猛金其色紫散為酷吏家使無貪殘心甘棠密葉成翠
幄歛鳳不來天地塞所以傾國傾城人如今如今

不可得

古塞下曲四首

古塞腥膻地胡兵聚如蠅寒鵬中駭石落在黃河
水蒼江邏沙城枿枿賊氣興鑄金禱秋穹還擬相
憑凌

又

戰骨踐成塵飛入征人目黃金一作忽
變黑戰鬼作陣一作夜哭陰風吼天漢火號出不得

單月集

卷四

古詩

誰為天子前唱此邊城曲

又

日向平沙出還向平沙沒飛蓬落軍營驚鵬去天
末帝鄉青樓倚霄漢歌吹掀天對花月豈知塞上
望鄉人日日雙眸滴清血

又

狼烟在陣雲匈奴愛輕敵領兵不知數牛羊復吞
積巖冬大河枯嫖姚去深擊戰血染黃沙風吹映

天赤

鼓腹曲

我昔不幸兮遭百罹蒼蒼留我兮到好時耳聞鍾
鼓兮生豐肌白髮却黑兮自不知東隣老人好吹
笛倉囤峨峨穀多赤餅紅鰕兮枿麩腊有酒如濁
醴兮呼我喫往往醉倒潢塗之水邊兮人盡識孰
云六五帝兮四三皇如夔如龍兮如龔黃吾不知
此之言兮是何之言兮

經曠禪師院

吾師楞伽山中人氣岸古淡生麒麟曹溪老兄一
 與語金玉聲利泥棄唾委兀兀如頑雲驪珠固
 難價其價靈芝今何以根其根真貌枯槁言朴略
 衲衣爛黑燒岳痕憶昔十四年前苦寒節禮師
 問師楞伽月此時師握玉麈尾報我却云非日月
 一敲粉碎狂性歇庭松無韻冷撼骨搔窻擦簷數
 枝雪邇來流浪于吳越一片閒雲空皎潔再來尋

師已蟬蛻蒼荀枝枯醴泉竭水檀香火遺影在甘
 露松枝月中折師去世有廿寶師往日真隱心今
 日不能墮雙血

邊上作三首

山無綠兮水無清風既毒兮沙亦腥胡兒走馬疾
 飛鳥聯翩射落雲中聲

又

陣雲忽向沙中起探得胡兵過遼水堪嗟護塞狂

成兒未戰已疑身是鬼

又

見說青塚穴中有白野狐時時出沙磧向東而號呼號呼復號呼畫師圖得無

送張拾遺赴施州司戶

道之大道古太古二字為名爭莽鹵社稷安危在直言須歷堯堯堦搢諫鼓恭聞吾皇至聖深無比推席却几聽至理一言偶未合堯聰賈生須看湘江

水君不見頃者百官排闥赴延英陽城不死存令名又不見仲尼遙音司馬子珮玉垂紳食如此公平公平施之掾江上春風喜相見良天之命復行行芙蓉為衣勝絕絹好音入耳應非久三峽聞猿莫迴首且啜千年羹醉巴酒

書祝氏屋壁二首

茶烹綠乳花映簾櫺沙苦筍銀纖纖窻中山色青翠粘主人於我情無厭

又

白桑紅樵鷺咽咽麵揉玉塵餅挑雪將為數日已
一月主人於我特地切

又

水嬌艸媚掩山路睡槎鴛央如畫作春光靄靄忽
已暮主人剛地不放手

續姚梁公坐右銘并序

愚嘗覽白太保所作續崔子玉坐右銘一

首其詞旨乃典乃文再懇再切實可警策
未悟貽厥將來又見姚崇下蘭張說李邕
皆有斯文尤為奧妙其于東勗婉婉乃千
古之鑒戒資腴矣愚竊愛其文惟恨世人
不能行之十得一二一日抽毫遂作續白
氏之續命曰續姚梁公坐右銘一首雖文
經理緯不逮於群公而亦可書於屋壁云
善為爾諸身行為爾性命禍福必可轉莫慙言前

定見人之得如己之得則美無不克見人之失如己之失是亨貞吉返此之徒天鬼必誅福先禍始好殺滅絕不得不止守謙寡慾善善惡惡不得不作無見貴熱諂走蹇躄無輕賤微上下相依古聖著書矻矻孽孽忠孝信行越食逾衣生天地間未或非假身危彩虹景速奔馬胡不自強將升玉堂胡為自墜言虛行偽艷殃爾壽須戒酒腐爾腸須畏勵志須至樸滿必被非莫非於飾非過莫過於

文過及物陰功子孫必封無待文學是可奇薄患隨不忍害逐無足一此一彼諧宮合徵親仁下問立節求己惡木之陰匪陰盜泉之水匪水世乎草草能生幾幾直須如冰如玉種桃種李嫉人之惡酬恩報義忽己之慢成人之美毋擔虛譽無背至理恬和慈暢冲融終始天人之行盡此而已丁寧戴髮含齒

上盧少卿覓于文

荆山有美玉含華尚炳爛堪為聖君壘堪為聖
案艸木潤不彫烟霞覆不散野人到山下仰視星
辰畔倘或如栗黃係之上霄漢

謝盧少卿惠千文

廬山有石鏡高倚無塵垢晝景分烟蘿夜魄侵星
斗苞含物象列搜照魚龍吼寄謝天地間毫端皆
我有

禪月集卷第四 終

海虞毛晉訂

